

月燈三昧經卷第十

元無初品

女九

高齊天竺三藏法師那連提黎耶人譯

懺悔品第二

爾時世尊即說偈言

我於往昔修行時 爲王號曰勇健得

爾時有城名珍寶大九

彼王出城詣園林

乘駕寶車遇比丘

端正殊特甚微妙

三十二相以莊嚴

光明普照於十方

善華月名徧諸域

安住慈悲能利益

爲救衆生故入城

功德威勢極端嚴

我時顏貌不如彼

遂起增上妬嫉心

愛欲耽荒所纏結

恐彼比丘奪王位

昔具千子爲眷屬

乘駕寶車從我後

種種寶冠自莊嚴

行如忉利諸天子

於彼子中五百子

悉著妙寶摩尼履

寶冠瓔珞自嚴飾

金網彌覆於車上

殊女眷屬有八萬

一切端妙悉嚴麗

昇於寶輿見比丘

端正猶如須彌山

彼見悉皆如父想

各發無上菩提心

從彼受於淨梵行

脫勝瓔珞散比丘

我尋起上嫉妬意

便生瞋怒穢濁心

豪富惑亂勑子言

可殺我前立比丘

諸子聞父教勑已

深懷憂惱白父曰

願王勿作如是語

我終不能殺此人

若有割截我身分

經於恒沙多億劫

終不能殺是法師

以從彼發道心故

於彼尊所發是心

願我得佛人中勝

趣菩提者不爲惡

我等悉是佛日子

王聞諸子如是語

即勑奴言喚旃陀

速呼鬼膽殺比丘

在我宮人前立者

尋時將於殺者來 號曰難提極暴惡  
手執利刀而瑩治 截此比丘爲八分  
比丘被斬身無血 割處流出千種光  
亦有功德吉祥輪 是文肉裏炳然現  
作斯尤重惡業已 文九 我時爲戲詣園林  
一切歌舞都不樂 思念華月法師故  
于時忽速出彼園 還來歸入珍寶城  
於是乘車詣其所 到彼割截比丘處  
即時空中聞惡聲 無量那由天號咷  
咸言惡王造重業 死墮阿鼻受極苦  
王時聞彼諸天音 心懷憂惱大怖畏  
我爲無量重罪過 以殺善華比丘故  
如來具足無量智 是彼最勝真佛子  
護根調柔心寂滅 我爲愛欲故殺彼  
若有能持如來法 於正法藏滅壞時

能於世間然智燈 我爲欲故殺是人  
於諸世間爲大醫 療治衆生煩惱病  
復以甘露令轉下 爲愛欲故而殺彼  
受持導師勝法藏 黑闇衆生爲燈明  
持陀羅尼法王者 我爲欲故而殺彼  
爲世演說勝妙法 甚深微細難可見  
顯說趣於道場路 我爲愛故殺彼人  
其智清淨無穢雜 凝靜寂滅恒在定  
爲愛所盲遂便殺 欲是苦因應棄捨  
過去未來所有佛 及今現在人中尊  
功業無量如大海 文九  
一切合掌歸命彼 此死趣惡阿鼻獄  
不愛果業既自造 於彼無有能救者  
正由殺害勝法師 啟哉惡心造苦業  
咄哉王位自傲慢 此處究竟無堅實  
當捨一切而獨去

初無欲染修淨業 悲心愛語真佛子  
獨爲世親離諸過 我善華月何處去  
嗚呼聖者具忍財 嘴呼妙色德相應  
無諂戲論功德聚 汝今捨我何處去  
我今始知大仙言 世間爲欲之所壞  
身心熱惱惡道因 如是知已捨欲行  
此死趣惡地獄中 無有能得救濟者  
造於極重之惡業 正由害彼比丘故  
捨怖疲勞王位處 奉持禁戒修梵行  
我今爲彼自在者 歡喜淨心造大塔  
爲供無惱智慧人 智慧之藏慚愧者  
勿令我墮三惡趣 亦離惡名及譏毀  
妃后宮人諸親戚 最勝輔相及僮僕  
刹利長者并諸官 王時哀泣向彼言  
汝等爲我速具辦 種種勝妙諸香水

名衣上服及酥油 俟用燒此比丘身  
汝今於斯速積集 一切勝妙衆香薪  
隨時栴檀沉香汁 蘇卑力迦及龍腦  
百千衣服酥油塗 悉皆纏彼尊者身  
我以增上信重心 種種供具而供養  
聞彼大王教勑已 第一輔相城中民  
以諸香油塗香木 種種勝妙衆香殊  
諸殊香水而洗之 復用衆香塗其身  
以酥油衣纏彼體 置於此身香積上  
古昔牟尼尊妙軀 女九舍利三斛有六斗  
彼王造作勝妙塔 四種種供養恒禮拜  
塗末香鬘百種讚 懸諸妙鈴及旛蓋  
妃后宮人并子孫 從此出城而往彼  
王於一日三供養 然後乃從塔所還  
勝妙華鬘以供養 寶幢旛蓋而莊嚴

王以癡故造衆罪 於彼塔所悉懺悔  
乃經九十五億歲 恒常懺悔不疲倦  
智慧所攝勝清淨 堅持禁戒無缺漏  
日夜長受八戒齋 清淨護持不毀犯  
王爲愛欲所纏蔽 自身造作不善業  
身壞命終墮地獄 在於極苦阿鼻中  
從昔以來不值遇 九十五億諸如來  
於其九十五億劫 爾所世中常生育  
六十二億那由劫 雖得眼根還復壞  
又於一億那由劫 設令得眼還復失  
亦復恒被截手足 及以耳鼻脣舌等  
人中經億那由劫 諸餘生處亦如是  
其王造作無量惡 於諸世間恒受苦  
若有欲得安樂者 念已莫作少惡業  
其王雖復懺先罪 而不得免昔所作

造斯如是惡業已 死後當墮阿鼻獄  
斬截身首及四肢 亦復割耳而剝鼻  
挑其兩目不可笄 無量億劫爲欲故  
廣造惡業酬盡已 後自剜身施他人  
所謂斬頭并手足 捨王及子爲菩提  
所愛之妻多財產 車乘船舫衆妙寶  
勇健得王我身是 無量億生爲道施  
蓮華上佛華月是 彼昔千子賢劫佛  
宮人妃后及城民 雙膾即是寂王佛  
勝妙刹利與城主 爾許衆人我眷屬  
若有於彼持禁戒 以信敬心供養者  
一切悉皆般涅槃 以好心故證菩提  
童子我昔無量劫 得見離垢無惱佛  
修於勝上菩提行 往昔尚受如是苦

若有菩薩住總持 善修慈行安不動  
彼終不墮諸惡處 供養離垢無惱佛  
若欲得佛爲法王 三十二相而莊嚴  
應當護戒無穢動 說法不斷住總持  
校量功德品第三

故童子若菩薩作是念我今云何安樂而  
得阿耨多羅三藐三菩提耶彼諸菩薩應當  
安住淨戒之聚於一切菩薩所起於師想爾  
時世尊而說偈言

若有菩薩住戒聚 以利益心行菩提  
被人速往可樂刹 能獲上忍爲法王  
是以心和安不動 恒常造作可愛業  
然後得見多佛日 速得菩提離疑網  
聞我如是最勝教 見諸比丘持淨戒  
無詭曲心而奉事 然後不久得是定

若以恒沙諸伏藏 悉以七寶滿其中  
彼藏如是極廣大 猶如無量恒沙剎  
若有菩薩樂惠施 於其日夜常無間  
勇猛布施不暫停 經於無量恒沙劫  
若有聞此三昧者 便持一切牟尼藏  
此爲無量福德聚 過於前施難思議  
如此福德廣無邊 能令滅於世間苦  
是爲最上功德聚 比於施福廣難思  
隨順菩提第一藏 智慧菩薩能受持  
若有持是三昧者 名具大財勝菩薩  
是爲佛法多聞海 彼人福德難盡邊  
於此勝妙難思法 便名菩薩真護持  
若冇能說寂滅定 彼人菩提便增長  
唯除世師調御士 具足大悲自然智  
能獲無量諸功德 福德成就轉增上

於其三千大千界 無有能與其比者  
餘人福德無與等 智所讚智亦復然  
若人聞是三昧者 有能受持而讀誦  
爲求諸佛勝菩提 文九 如是輩人乃與等  
出生多聞猶如海 彼人福德不可量  
受持讀誦此三昧 文十 如是之人所攝福  
童子若福是色者 一切世界莫能容  
是故童子若菩薩 若欲供養一切佛  
過現未來清淨者 應當受持是三昧  
此是諸佛勝菩提 童子汝當信我言  
如來所說無有異 我等諸佛言不虛  
昔於難思百劫中 我爲是故消竭身  
當修最妙菩提行 爲求如是勝定故  
是故汝應受法藏 那由他經從斯出  
此福聚廣不思議 以能獲得諸佛智

一切衆經此爲首 出生無量諸善業  
恒常無畏說是經 彼法邊際不可得  
碎壞三千以爲末 或可能知諸塵數  
常說難思百千經 無有能得測量者  
此佛刹中諸衆生 出入氣息猶可知  
菩薩常所演說經 無有能知其畔際  
若佛刹土如恒沙 其中六趣諸羣生  
有能測量其心數 無有知彼所說經  
無量諸億世界刹 彼界大海河池沙  
此諸沙數可算知 無能知彼所說法  
析一毛端爲百分 可以滴數多億刹  
所有一切諸水聚 彼諸言音不可知  
過去無量億劫中 所有一切諸衆生  
其身塵數猶可算 不能知彼所說經  
十方一切諸衆生 彼之音聲可算知

其所演說不斷絕 不能知彼修多羅  
言辭句義已善學 復能演說一切法  
廣大捷利之智慧 了知實法并問答  
智慧通達深廣義 應常知心不思議  
悉知音聲自體性 <sup>女九</sup>是故言說無罣礙  
名爲無礙大法師 爲世說法無所著  
問答解釋已善習 了達第一義諦故  
於一句中億論釋 不思議說無滯著  
學於無礙之句義 處衆演說無壅滯  
若有常住此三昧 成就無畏不動轉  
已得法力行勝行 能利無量億衆生  
猶如須彌安不動 諸有猛風莫能壞  
法師比丘亦如是 一切諸論無能異  
三千大千世界刹 其中所有諸山等  
一切風吹或動搖 比丘住空莫能動

若能與空恒相應 是佛決定所住處  
若人定知諸法空 一切異論無能勝  
諸餘邪說不傾動 一切外論靡能壞  
無有侵凌毀憊者 由說如是寂定故  
彼人窮盡於空法 恒常安住無量智  
彼人窮盡於空法 恒常安住無量智

於一切法無有疑 持是最勝三昧故  
諸力道品得不難 神足無礙辯才等  
及獲聖通亦復然 受持讀誦是經故  
死此生彼不爲難 能見最勝無量智  
不思議億那由他 <sup>九</sup>持是經者悉得見  
於斯一切諸佛所 得聞如是離垢定  
成就最勝相應智 能到四種辯才岸  
於諸三千大千界 從其下際至有頂  
諸天可愛光摩尼 及以七寶悉充滿  
十方無量諸佛刹 下從大地至有頂

閣浮檀金皆充滿悉以此寶奉牟尼  
一切世間所有寶經無量劫用布施  
奉施如來恒不絕深信爲求菩提故

若有比丘愛樂空一念合掌而禮佛  
比前廣施福德聚施福不及迦羅分  
若人得彼廣多物信心爲福故行施  
爲求無等佛菩提我知世間已校量  
若人於此三昧所聞已受持四句偈  
是人所集之功德前福百分不及一  
最勝菩薩行布施未能速得無上道  
若有聞是勝寶定彼速得於上菩提  
假使得於珍寶藏徧滿無量恒沙刹  
種種寶物悉充滿菩薩不以爲富足  
若斷渴愛修功德又能得是三昧者  
便具一切諸資生庫藏盈滿備大財

設令獲于四天下智者於此不爲喜  
若得如斯離垢定歡喜踊躍利衆生  
讚歎品第四

爾時彌勒菩薩摩訶薩被於甲冑便讚歎此  
三昧利益亦爲當來菩薩受持讀誦得歡喜  
故助其勢力而說偈言

彼彼能持智人法功德威勢救護者  
亦於諸佛能受持廣大勝妙之法眼  
末世惡時多貪瞋捨不放逸常放逸  
實義滿足勝經典誰有能得受持者  
彼彼戒定忍聞財善學威儀而莊嚴  
受樂法智解脫樹能被慚愧勝上服  
持大智慧樂出離觀於世間無導師  
爲彼趣詣佛菩提彼彼調伏心寂滅  
是人趣向一切智

不調衆生令調伏 是一切智最勝子  
自證解脫令他到 於愛枝條而得脫  
於常放逸睡衆生 便能令彼得覺悟  
彼彼恒樂善調伏 亦常喜樂於法施  
不與一切妬嫉俱 好行惠施無愛惜  
見彼逼切貧衆生 常令充足資生具  
是滿功德第一道 智者一切恒修習  
彼彼勝妙大法鼓 以歡喜心而擊之  
斷除疑網解妙法 智慧堅固如金剛  
住勝聖法處衆中 能知衆生心樂欲  
演說最勝甘露法 所謂勝要修多羅  
彼彼自住勝神通 能施世間最勝眼  
遣除癡闇猶如日 能生智慧亦如礪  
顯示真實除怖畏 增上智慧修禪定  
彼說最妙微細法 是名寂滅勝出離

彼彼聞持智人敬 建立信義增上福  
能知世間勝法藏 恒常宣說美妙言  
善巧語言達儀式 是法燈明之所依  
常以善心利衆生 修行最上微妙法  
彼住法道離塵染 及以潤益寂靜信  
以法教化諸世間 得爲最勝大法王  
能爲無上之法尊 住於第一上恭敬  
恒常護持妙正覺 隨順轉於勝法輪  
彼彼愚癡自縱者 觀見如是惡衆生  
見心惑亂趣險道 蘭惡趣門難越度  
興大慈悲清淨心 起已能除世間苦  
演說最勝微妙道 謂彼八正之勝路  
是爲彼法廣堅固 造作無上勝法船  
能於生死煩惱海 濟渡怖畏諸世間  
觀道品空爲鎧甲 得爲勇健大船師

廿九

十三

彼岸離怖常安樂  
彼彼持呪威儀行  
到於明術智彼岸  
觀煩惱病無所歸  
以其法藥令轉瀉  
彼彼勝說摧異論  
知諸言音達法義  
忍辱之力智戰具  
聖者以慧悅智人  
彼彼三有最勝尊  
見諸羣生依魔道  
彼道最上聖無垢  
無量百千那由衆  
彼彼爲世作燈明  
怖畏衆生施無畏  
安置衆生彼勝處  
解脫一切苦逼迫  
智者能知衆生欲  
諸惡過患惱世間  
如法爲彼而療治  
言辭上妙而自在  
勇健住於勝智地  
而被慈愍堅鎧甲  
安住法中無詭曲  
於諸衆生得自在  
爲愍世間趣菩提  
年尼恒常無厭足  
已到戒忍禪定岸  
安住甚深微妙法  
猶如天雨徧大地  
若有衆生往其所  
於其彼所聞法寶  
彼之廣大諸疑惑  
到於戒忍三昧岸  
大士至彼究竟智  
能知衆生諸信樂

見斯百苦之所惱  
然於最勝大法炬  
彼學工巧利衆生  
住於如法之技藝  
一切皆得到彼岸  
爲愍世間趣菩提  
令其安住無畏處  
年尼恒常無厭足  
所謂智慧及福德  
已到戒忍禪定岸  
安住甚深微妙法  
於其他所無有厭  
演說最勝寂滅法  
猶如天雨徧大地  
法雨充滿亦復然  
求解深法及名義  
能除無量無邊苦  
速以法刀而斷截  
能知衆生諸信樂  
已善了知羣生欲

觀察衆生心所行 如心所行決定知

其有聞彼智慧言

令那由衆得淨眼

度於禪定解脫岸

能入安住真實道

億那由他諸魔衆

莫能測知其心行

猶如虛空中鳥跡

衆人悉不能測知

調伏寂滅智慧力

安住最上聖法中

自在摧壞諸魔力

悟解最上勝菩提

常得達彼神通岸

能速往諸百千界

見彼那由多億佛

其數亦如恒河沙

淨眼無有諸障礙

悉覩十方衆導師

守護諸根無所染

自在往於無量刹

設令十方諸衆生

一時悉成爲導師

彼於那由他劫數

恒常讚說不斷絕

無礙辯才而不盡

所歎之德亦無窮

於此無等離垢定

持在心者能如是

## 本因品第五

爾時世尊復欲顯示此三昧功德利益說其  
菩薩本昔所行亦爲顯現增長月光童子力

故說已本緣以偈頌曰

童子汝今當善聽 我於百千劫所行

供養百千諸如來 爲求如是勝寂定

過去不可思議劫 所有百剎塵沙數

汝當知是所說事 有佛號曰衆自在

彼佛如來有眷屬 滿足六十億千數

一切漏盡無煩惱 於八解脫善決定

是時一切諸大地 安隱豐樂無濁亂

一切衆人悉安樂 遊行往來適悅滿

成就一切福德力 形色端嚴甚可愛

大富饒財悉充滿 備受一切諸天樂

持戒調伏少煩惱 色貌端正樂忍力

猶如天宮諸天子 智者戒行功德具  
於彼時世有一王 名聞廣大號善華  
是時彼王有諸子 滿足五百具念慧  
爾時勝王於佛所 捨彼六百萬園林  
妙華果樹而莊嚴 文九 奉佛具足大悲者  
造寺備滿六百萬 經行牀座亦復然  
袈裟衣服億百萬 敷置經行止息處  
如是無量百千種 沙門一切所須具  
彼時勝王信敬心 悉皆奉施於善逝  
彼王常以十善道 自己及他悉安住  
衆人百千那由他 隨從於王詣佛所  
手執妙華及塗香 勝蓋幢旛并音樂  
供養最勝佛世尊 合掌在頂而住立  
千比丘衆默然住 人天脩羅龍夜叉  
一切恭敬而觀佛 善哉自然說何法

牟尼世尊知彼欲 亦知勝王最上心  
佛能了達彼信樂 而爲宣說此三昧  
善逝演說是語時 大地諸山皆震動  
念頃虛空雨衆華 百千蓮華從地出  
已善了知妙義句 十四 佛知彼欲爲記說  
爲王說是寂滅定 汝聽往昔所分別  
一切有無妄想起 空如野馬亦如沫  
如雲電動皆空無 一切無我無衆生  
過去未來法亦空 無去無住離處所  
常無堅實如幻性 一切勝淨如虛空  
文九 非青非黃非赤白 名字空無但聲性  
其心離心無心性 離諸音聲而空無  
演說句味而不住 虽不說時字不空  
文字亦不往諸方 亦復不從餘處來  
其字無盡斯盡滅 若說不說恒無盡

常說句味而不盡。如是知者得無盡。若知此法無盡者。彼常能說無盡法。雖說千種修多羅。恒知諸法離文字。諸佛百千已過去。亦曾說於百千法。於一切法而無盡。法無所得故無盡。若人爲他演說法。而不執著於文字。法本無我無衆生。彼能演說而無盡。智者演說一切言。不以語言易彼心。知諸言音如谷響。是故於言無取著。以諸言音說是法。是言念頃即壞滅。斯諸言音如是相。一切諸法相亦然。諸法無相亦離相。恒常無相空寂。空寂無欲無取捨。是以寂定不可得。有爲無爲悉遠離。如是大仙無分別。遠離一切惡見道。了達諸趣悉無爲。

恒常無染無膩癡。是以心體恒寂滅。以此三昧力最上。是故能知斯法空。如空山河及谿谷。聞於勝妙響音聲。有爲流轉因緣起。一切世空猶如幻。智力愛樂功德法。安住智慧神通仙。發於語言能善巧。能說如是寂滅定。所言覺觀但妄想。世間不可得其邊。本際從來無有相。而爲未來因緣道。造業不爲有所起。隨上中下有所生。此法自性無知覺。十九法空無我應當知。黑白之業不壞滅。十六自所作者還自受。業不能到於果所。而業能爲彼作因。諸佛演說世諦法。有爲無爲如是觀。無有真實及我人。一切世間相如是。一切諸有皆虛妄。猶如幻化水中月。

空無亦如水聚沫 以聲顯說恒寂滅  
一切悉捨無所取 持戒威儀亦無依  
不著忍力諸衆生 如是行者得寂定  
隨其王意所樂欲 如來稱機而演說  
王聞世尊所說法 王及眷屬悉受戒  
勝王聞斯三昧已 歡喜踊躍作是言  
善哉能說此三昧 是故歸依佛世尊  
彼時人衆具八萬 聞是最勝法體性  
演說真實第一義 悉皆獲得無生忍  
衆生無有其生滅 諸法無生恒空寂  
王及眷屬如是知 咸各獲於無生忍  
爾時善華棄王位 投彼佛法而出家  
其王所有五百子 悉皆從王而出家  
王及諸子出家時 餘人乃有無量數  
一切爲求佛法故 亦於彼法皆出家

自在如來爲說法 具足滿於二千歲  
王及其子并眷屬 二千年中修法行  
過於如是年數已 正法於後甚衰微  
時諸聲聞悉滅度 彼佛世尊入涅槃  
彼王善華有勝子 號曰福慧具正信  
王有法師爲師導 受持如是勝寂定  
聰明黠慧有念力 無量百千人供養  
諸天百億恒侍從 往詣處處而讚歎  
言語柔軟不麤獷 調伏學戒善防護  
其音和雅語可愛 智力總持悉具足  
得勝袈裟百億數 比丘號曰名稱光  
彼人福力無敵對 無量比丘起妬嫉  
具足福德及色力 亦具智慧與神通  
護持淨戒禪定力 比丘法力之所起  
在家出家四衆等 衆人戀仰而愛樂

若於佛法得信者 愛重敬心而供養  
其昔善華王勝子 號曰福慧淨信者  
知彼比丘起惡心 於已師所而守護  
時有五十萬軍衆 悉被鎧甲手持刀  
常令擁護是法師 演說苦提寂滅行  
於大衆中說是法 謂空無我無壽命  
其有計我執著者 彼不喜樂法師說  
不信空法比丘衆 尋時即起手持刀  
言此妄說於非法 殺之便獲大福德  
法師見刀不怖畏 以其思念空法故  
無有衆生而可殺 空無我人如石壁  
法師比丘即合掌 發言稱於南無佛  
若其空法審不虛 令刀願爲曼陀華  
護持戒者願欲故 發言空中便雨華  
大地諸山皆震動 刀即變爲妙香華

爾時取見持刀者 彼衆比丘咸恥悔七九  
令手執刀不能動 驚懼恐怕大怖畏  
其有於佛得信者 所有愛樂空法衆  
發大音聲而號泣 一切衣服悉奉散  
法師比丘起慈心 於大衆前作是言  
若人於我起瞋者 我爲彼故行菩提  
其法朋黨甚微少 法師恒爲彼侵陵  
聞於一切不喜言 忍辱之力轉增上  
時彼法師八十年 演說如來空法藏  
無量百千惡比丘 彼王力故令退散  
是彼法師於餘時 利益無量百千衆  
思量戒行無缺漏 即便往詣福慧所  
王見法師甚恭敬 便即問彼比丘言  
不令於我大師所 惱亂其心不喜悅  
彼便答王願賜聽 諸佛忍力之所起

若於我所興惡言 便起增上勝慈心  
已於無量百千劫 過去世中修忍辱  
稱光比丘我身是 釋迦如來作是說  
彼昔福慧之王子 擁護稱光法師者  
於其千生爲我友 我已記彼爲慈尊十九  
其昔供養自在佛 爲造勝妙塔寺者  
彼時出家善華王 得佛名爲蓮華上  
我亦無量百千劫 受持如來最勝法  
我已積集於忍力 童子汝應隨順學  
吾般涅槃去世已 於後正法滅盡時  
比丘樂於外典籍 彼便毀謗我勝法  
輕躁調戲無慚恥 貪嗜飲食不護罪  
乃於衣鉢而戀著 彼人謗我最勝法  
常樂鬪諍無反復 於其貧窮下劣姓  
在我法中而出家 彼不樂於空寂滅

順其魔意癡衆生 隨魔自在而執著  
貪欲自縱凡愚者 彼不樂於空寂滅  
在家出家四衆等 謠佞愚癡起惡心  
隨順如是惡黨者 彼人末世謗空法  
童子汝聞我教已 應常奉給蘭若僧  
所謂樂於空寂者 如是輩人持佛法  
我佛法中容彼人 出家受戒及布薩  
離諸過染消信施 如是人能持菩提  
乃至棄捨於身命 修習空法樂寂滅  
於其空法心相應 樂住蘭若如野鹿  
以幢旛蓋及華香 於諸佛所設供養  
供養無等勝支提 速能獲得是三昧  
建立無比勝塔廟 以諸金銀而塗飾  
造諸形像無量種 爲菩提因起慈心  
所有一切供養具 天上人中淨妙者

汝應悉求供養佛 爲求無上佛智故  
應當如法觀諸佛 謂住十方諸如來  
現前無量住法者 一切佛子能證知  
心常利益喜布施 持戒清淨住忍力  
樂行忍辱及遠離 能知一切諸法空  
精進勇猛無懈退 務修禪定戒多聞  
智慧了達常清淨 不久成於大悲者  
以不淨觀除貪染 慈力能治於瞋恚  
因緣之法破愚癡 便得最勝無上道  
觀身猶如水聚沫 一切皆空無堅實  
觀察五陰悉空無 速得成於最勝智  
離取一切諸惡見 不依壽命及我人  
了知一切諸法空 速得成彼牟尼王  
於諸利養不貪著 得利養勿生憂  
聞他讚毀心莫異 猶如須彌山不動

爲求法故起恭敬 勿得聞已而執著  
安住一切佛行處 速能遊於百世界  
於諸世間起平等 莫起憎愛差別心  
慎勿求利及名聞 速得成於天人師  
恒常讚說佛功德 以言辭句如實歎  
爲佛功德生愛樂

衆生聞是讚歎者 於佛功德生愛樂  
父母師長及衆生 如是一切悉恭敬  
而不隨順於魔力 便獲三十二種相  
常離一切諸憤鬧 住於寂靜空閑林  
既能自利亦利他 爲求解脫速施作  
常樂修習慈悲心 充<sup>于</sup>及以喜捨亦復然  
調伏寂滅應讚歎 速得成於利世間  
若有欲得寂滅定 趣向無上菩提者  
慎勿習近惡知識 恒常親近於善人  
又莫願欲聲聞地 亦勿愛彼所修行

我向所說諸功德 及示無量百千過  
應當離過修功德 童子如是必得佛

勇猛志樂佛功德 速得成佛當如我  
恒說真實清淨語 慎勿妄言及惡口  
常說可愛美妙言 能得最勝佛菩提  
於其身命莫顧戀 慎勿自譽輕毀他

但自思念已功德 莫觀他人之所行

常樂觀空及解脫 於諸趣中勿願樂

捨一切相悉無餘 心恒安住於無相

常能遠離於二邊 於有於無莫分別

觀諸衆生但因緣 若能知此爲大師

棄捨一切愛欲行 悉皆斷離穢濁心

翦除一切愚癡闇 得爲寂滅人師子

恒樂觀察於無常 離諸有中苦樂等

穢汙不淨及無我 如是修者爲人尊

佛於世間作燈明 而能說此勝正法

彼亦降伏於魔力 已到無上勝菩提

月燈三昧經卷第十

音釋

積資聚也 資四切  
謂也 依乃定  
胃直又切 呂鑿也  
乃詭也 磨力霧切  
礪石也 謂佞成切  
讒也 錄鉏切